

ՓԱՍՏԱՔԱՆԱԿԱՆ ՀԱՄԱՅՆՔԸ ՀԱՄԱԼՐՎԵՑ ՆՈՐ ԱՆԴԱՄՆԵՐՈՎ

25.06.2022 14:50



Այսօր տեղի ունեցավ ՀՀ փաստաբանական դպրոցի թվով 71 շրջանավարտներին փաստաբանական գործունեության արտոնագրերի հանձնման հանդիսավոր արարողությունը:

Միջոցառումը սկսվեց Հայաստանի Հանրապետության օրհներգի ներքո:

Բացման խոսքով հանդես եկավ և ներկաներին ողջունեց ՀՀ փաստաբանների պալատի նախագահ Սիմոն Բաբայանը:

Դիմելով հավակնորդներին՝ Փաստաբանների պալատի նախագահը նշեց, որ Փաստաբանական դպրոցն ավարտելը հեշտ գործընթաց է, և փաստաբանության ոլորտում առաջին բարդ խնդիրը նրանց համար արդեն հաղթահարված է:

Սիմոն Բաբայանը փաստաբանական համայնքի նոր անդամներին մաղթեց բեղմնավոր և հաջողակ գործունեություն, ընդգծելով, որ իրենց գերնպատակը պետք է լինի Հայաստանի Հանրապետության Սահմանադրությամբ երաշխավորված մարդու իրավունքների ու օրինական շահերի պաշտպանությունը:

Ելույթի ավարտին Փաստաբանների պալատի նախագահը շնորհակալություն հայտնեց Փաստաբանական դպրոցի տնօրենին և աշխատակազմին, Փաստաբանական դպրոցի կառավարման խորհրդի անդամներին, Փաստաբանների պալատի խորհրդին, որակավորման հանձնաժողովին, որոնց ջանքերով կազմակարպվել և անց են կացվել ուսումնառության գործընթացը և որակավորման քննությունները:

Հավակնորդներին շնորհավորեց նաև Փաստաբանական դպրոցի տնօրեն Արա Զոհրաբյանը:

Իր ելույթում Արա Զոհրաբյանը կարևորեց այն հանգամանքը, որ հավակնորդներից յուրաքանչյուրն իր ուժերով է ընդունվել, սովորել Փաստաբանական դպրոցում և հաջողությամբ որակավորման քննությունները հանձնելով ստացել փաստաբանի արտոնագիր, ինչը կարևոր է հետագա գործունեության ընթացքում: Փաստաբանական դպրոցի տնօրենը բարի երթ մաղթեց ապագա փաստաբաններին՝ հիշեցնելով նրանց մասնագիտական գործունեության ընթացքում կոռուպցիոն ռիսկերից զերծ մնալու և

գործունեությանը սրտացավորեն մոտենալու մասին:


Շնորհավորական ուղերձներով հանդես եկան նաև Փաստաբանների պալատի խորհրդի անդամներ՝ Կարեն Մեծլումյանը և Մարինե Ֆարմանյանը: Նրանք վստահություն հայտնեցին, որ ապագա փաստաբաններն ունենալու են իրենց ավանդը փաստաբանության զարգացման գործում:

Ելույթներով հանդես եկան նաև Փաստաբանական դպրոցի շրջանավարտները: Նրանք շեշտեցին, որ յուրաքանչյուր փաստաբանի հաջողությունն համայնքի հաջողությունն է:

Ելույթներին հաջորդել են փաստաբանների հանդիսավոր երդման և արտոնագրերի հանձնման արարողությունները:







Վերադառնալ \$(window).load(function(){ if(typeof \$(".fb_comments_count").html() != "undefined" && parseInt(\$(".fb_comments_count").html()) != 0){ updateCommentsCount(window.location.href); } })